

第二六七册

明倫彙編

官常典

聖裔部

賢裔部

勳爵部

(卷)

三〇—三三

三四—三六

三九—四〇

古今圖書集成

中華書局影印

卷三

三

三

三

三

三

三

三

三

三

三

三

三

三

三

三

三

三

三

古今圖書集成

中華書局影印

欽定古今圖書集成明倫彙編官常典

第一百二十卷目錄

聖裔部列傳四

宋

孔鮮

孔淳之

孔季恭

孔照先

孔琳之

孔祐

孔靈產

孔道微

孔觀

南齊

孔稚珪

孔琇之

梁

孔休源

陳

孔奐

孔宗範

北魏

孔靈珍

孔文泰

北齊

孔渠

北周

孔長孫

孔英哲

隋

孔嗣哲

唐

孔穎達

孔德倫

孔崇基

孔燧之

孔李詡

孔若思

孔萱

孔至

孔巢父

孔齊卿

孔惟旺

孔歺

孔戡

孔戡

孔載

孔溫業

孔緯

孔策

孔振

孔拯

孔綸

孔纁

孔緒

孔昭儉

孔昌弼

孔昌序

孔邈

孔仲良

孔光嗣

後周

孔仁玉

官常典第一百二十卷

聖裔部列傳四

宋

孔鮮

按闕里志二十六代鮮字鮮之恢廓大度好學善誨後人宋文帝元嘉十九年襲封奉聖亭侯改封崇聖侯生子乘

孔淳之

按宋書本傳淳之字彥深魯郡魯人也祖恢尚書祠

部郎父祭秘書監徵不就淳之少有高尚愛好墳籍為太原王恭所稱居會稽剡縣性好山水每有所遊必窮其幽峻或旬日忘歸常遊山遇沙門釋法崇因畱共止遂停三載法崇嘆曰緬想人外三十年矣今乃傾蓋於茲不覺老之將至也及淳之還反不告以姓除著作佐郎太尉參軍並不就居喪至孝廬於墓側服闋與徵士戴顓王弘之及王敬弘等共為人外之遊敬弘以女適淳之千尚會稽太守謝方明苦要入郡終不肯往茅屋蓬戶庭草蕪徑唯牀上有數卷書元嘉初復徵為散騎侍郎乃逃於上虞縣界家人莫知所之弟默之為廣州刺史出都與別司徒王弘要淳之集冶城即日命駕東歸遂不顧也元嘉七年卒時年五十九默之儒學注穀梁春秋默之子照先按闕里志二十六代淳之默之

孔季恭

按宋書本傳孔靖字季恭會稽山陰人也名與高祖祖諱同故稱字祖愉晉車騎將軍父閭散騎常侍季恭始察郡孝廉功曹史著作佐郎太子舍人鎮軍司馬司徒左西掾未拜遭母憂隆安五年於喪中被起建威將軍山陰令不就高祖東征孫恩屢至會稽季恭曲意禮接賻給甚厚高祖後討孫恩時桓元篡形已著欲於山陰建義討之季恭以為山陰去京邑路遠且元未居極位不如待其篡逆事彰疊成惡稔徐於京口圖之不憂不超高祖亦謂為然虞嘯父為征東將軍會稽內史季恭初求為府司馬不得及帝定桓元以季恭為內史使齋封板拜授季恭相值季恭便舟夜還至即叩扉告嘯父并令掃拂別齋即便入

郡嘯父本爲桓元所授聞元敗震懼開門請罪季恭慰勉使且安所住明旦乃移季恭到任務存治實救止浮華翦遊惰由是寇盜衰止境內肅清徵爲右衛將軍加給事中不拜尋除侍中領本國中正徒琅邪王大司馬司馬尋出爲吳興太守加冠軍先是吳興與頻興太守云項羽神爲十山王居郡聽事二千石至常避之季恭居聽事竟無害也遷尚書右僕射固讓義熙八年復督五郡諸軍征虜會稽內史修飾學校計課調習十年復爲尚書右僕射加散騎常侍又讓不拜項之除領軍將軍加散騎常侍本州大中正十二年致仕拜金紫光祿大夫常侍如故是歲高祖北伐季恭求從以爲太尉軍諮祭酒後將軍從平關洛高祖爲相國又隨府遷宋臺初建令書以爲尚書令加散騎常侍又讓不受乃拜侍中特進左光祿大夫辭事東歸高祖餞之戲馬臺百僚咸賦詩以述其美及受命加開府儀同三司辭讓累年終以不受永初三年薨時年七十六追贈侍中左光祿大夫開府儀同三司子生歷顯位侍中會稽太守坐小弟爲部郎道獲逼略良家子女白衣領郡元嘉二十七年卒官弟靈符元嘉末爲南譙王義宣司空長史南郡太守尚書吏部郎世祖大明初自侍中爲輔國將軍郢州刺史入爲丹陽尹山陰縣土境褊狹民多田少靈符表徙無貴之家於餘姚鄞三縣界墾起湖田上使公卿博議太宰江夏王義恭議曰夫訓農修本有國所同土著之民習畝日久如京師無田不聞徙居他縣尋山陰豪族富室頃畝不少貧者肆力非爲無處耕起空荒無救災歎又緣湖居民鰥鵠爲業及有

居肆理無樂徙尚書令柳元景右僕射劉秀之尚書王瓚之顧凱之顏師伯嗣湘東王諱議曰富戶溫房無假遷業窮身寒室必應徙居茸宇疏草產粒無待資公則公未易充課私則私卒難具生計既完會功自息宜募亡叛逼卹及興樂田者其往經創須粗修立然後徙居侍中沈懷文王景文黃門侍郎劉歊鄒願議曰百姓雖不親農不無資生之路若驅以就田則坐相違奪且鄞等三縣去治並遠既安之民忽徙他邑新垣未立舊居已毀去留兩困無以自資謂宜適任民情徙其所樂開有通亡且令就業若審成腴壤然後議遷太常王元謨議曰小民貧匱遠就荒疇去舊卽新糧種俱闕習之既難勸之未易謂宜微加資給使得肆勤明力田之賞申怠惰之罰光祿勳王昇之議曰遠廢之疇方荆棘棘率課窮乏其事彌難資徒粗立徐行無晚上違議從其徙民並成良業靈符自丹陽出爲會稽太守尋加豫章王子尚撫軍長史靈符家本豐產業甚廣又於末典立墅周回三十三里水陸地二百六十五頃舍帶二山又有果園九處爲有司所糾詔原之而靈符答對不實坐以免官後復舊官又爲尋陽王子房右軍長史太守如故愨實有材幹不存華飾每所蒞官政績修理前廢帝景和中犯忤近臣爲所讒構遣鞭殺之二子湛之淵之於都賜死太宗卽位追贈靈符金紫光祿大夫淵之大明中爲尚書比部郎時安陸應城縣民張江陵與妻吳共罵母黃令死黃忿恨自經死值赦律父子賊殺傷毆父母梟首罵詈棄市謀殺夫之父母亦棄市值赦免刑補治江陵罵母母以之自裁重於傷毆若

同殺科則疑重用毆傷及罵科則疑輕制唯有打母遇赦猶梟首無罵母致死值赦之科淵之議曰夫題里逆心而仁者不入名且惡之况乃人事故毆傷呪詛法所原書之致盡則理無可有罰有從輕蓋疑失善求之文旨非此之謂江陵雖值赦恩故梟首婦本以義愛非天屬黃之所恨情不在吳原死補治有允正法詔如淵之議吳免棄市

孔熙先

按宋書范曄傳魯國孔熙先博學有縱橫才志文史星算無不兼善爲員外散騎侍郎不爲時所知久不得調初熙先父默之爲廣州刺史以贓貨得罪下廷尉大將軍彭城王義康保持之故得免及義康被黜熙先密懷報效欲要朝廷大臣未知誰可動者以曄志意不滿欲引之而熙先素不爲曄所重無因進說曄外甥謝綜雅爲曄所知熙先常經相識乃傾身事綜與之結厚熙先藉嶺南遺財家甚富足始與綜諸弟共博故爲拙行以物輸之綜等諸年少既屢得物遂日夕往來情意稍款綜乃引熙先與曄爲數曄又與戲熙先故爲不敵前後輸物甚多曄既利其財寶又愛其文藝熙先素有詞辯盡心事之曄遂相與異常申莫逆之好始以微言動曄曄不同熙先乃極辭譬說曄素有閨庭論議朝野所知故門胄雖華而國家不與姻娶熙先因此激之曰丈人若謂朝廷相待厚者何故不與丈人婚爲是門戶不得耶人作大豕相遇而丈人欲爲之死不亦惑乎曄默然不答其意乃定時曄與沈演之並爲上所知待每被見多同曄若先至必待演之俱入演之先至嘗獨被引曄

又以此爲怨。賜康經義康府佐見待素厚。及宣城之授。意好乖離。綜爲義康大將軍。記至參軍。隨鎮豫章。綜還。申義康意於囑求。解脫隙復敦往。好。聘既有逆謀。欲探時旨。乃言於上曰。臣歷觀前史。二漢故事。諸著王政。以詆詛。幸災便正。大逆之罰。况義康奸心。疊跡彰著。遐邇而至今。無恙臣竊惑焉。且大梗常存。將重階亂。骨肉之際。人所難言。臣受恩深重。故冒犯披露。上不納。熙先素善天文。云太祖必以非道晏駕。當由骨肉相殘。江州應出天子。以爲義康當之。綜父述亦爲義康所遇。綜弟約又是義康女夫。故太祖使綜隨從。南上。既爲熙先所獎。說亦有酬報之心。廣州人周靈甫有家兵部曲。熙先以六十萬錢與之。使之於廣州。合兵靈甫一去不反。大將軍府史仲承祖。義康舊所信。念屢銜命下。都亦潛結腹心。現有異志。聞熙先有誠密。相結納。丹揚尹徐湛之。素爲義康所愛。雖爲舅甥。恩過子弟。承祖因此結事湛之。告以密計。承祖南下。申義康意於蕭思話。及囑云。本欲與蕭結婚。恨始意不果。與范本情不薄。中間相失。傍人爲之耳。有法略道人。先爲義康所供。養粗被知。待又有王國寺法淨尼。亦出入義康家內。皆感激舊恩。規相拯拔。並與熙先往來。使法略罷道。本姓孫。改名景元。以爲賊質。寧遠參軍熙先。善於治病。兼能診脈。法淨尼妹夫許耀。領隊在臺宿衛。殿省嘗有病。因法淨尼就熙先乞治。爲合湯一劑。耀疾即損。耀自往酬謝。因成周旋。熙先以耀贈幹。可施深相待。結因告逆。謀耀許爲內應。豫章胡遵世藩之子也。與法略甚款。亦密相酬和。法淨尼南上。熙先遣婢採藻。隨之。付以賤書。陳說圖

識法淨還。義康餉熙先銅七銅鑄。袍段。綦盒等物。熙先慮事泄。欲採藻殺之。湛之又謂。聘等賊質。見與異常。歲內當還。已報質悉。攜門生義故。其亦當解人。此旨故應得健兒。數百質與蕭思話。款密當仗要之二人。並受大將軍眷遇。必無異同。思話三州義故。衆力亦不減。資郡中文武。及合諸處。偵邏亦當不減千人。不憂兵力不足。但當勿失機耳。乃略相署置。湛之爲撫軍。將軍揚州刺史。賜中將軍。將軍南徐州刺史。熙先左衛將軍。其餘皆有選擬。凡素所不善。及不附義康者。又有別簿。並入死目。熙先使弟休先。先爲檄文曰。夫休否相乘。道無恆泰。狂狡肆逆。明哲是殛。故小白有一匡之動。重耳有翼戴之德。自景平肇始。皇室多故。大行皇帝。天誕英姿。聰明叡哲。拔自藩國。嗣位統天。憂勞萬幾。垂心庶務。是以邦內安逸。四海同風。而比年以來。奸豎亂政。刑罰乖淫。陰陽違舛。致使疊起。蕭牆危禍。羣集賊臣。趙伯符。積怨。含毒。遂縱奸凶。肆兵犯。踰禍流。儲宰崇樹。非類傾墜。皇基罪百。泥得過十元。莽開關以來。未聞斯比。率土切心。華夷泣血。咸懷亡身之誠。同思廢軀之報。湛之購與行中。領軍蕭思話。行護軍將軍。威質行左衛將軍。孔熙先。建威將軍。孔休先。忠實。白曰。誠者。幽顯義痛。其心事。傷其目。投命奮戈。萬殞莫顧。即日斬伯符。首及其黨。與雖豺狼。即戮王道。維新而普天。無主。羣萌莫繼。彭城王體自高祖。聖明在躬。德格天地。動盜區宇。世路威夷。勿用南服。龍潛鳳棲。於茲六稔。蒼生饑德。億兆渴化。豈唯東征。有鳴鶴之歌。陝西有勿剪之思。設重祗告。徵祥之應。識記表帝者之符。上答天心。下愜民望。正位

辰極。非王而誰。今遣行護軍將軍。威質等。齎皇帝璽綬。星馳奉迎。百官備禮。絡繹繼進。並命羣帥。鎮戍有常。若干撓義。徒有犯無貨。昔年使反。湛之奉賜手勅。逆誠禍亂。預覩斯萌。令宣示朝賢。共拯危溺。無斷謀事。失於後機。遂使聖躬。濫酷。大變奄集。哀恨崩裂。撫心摧哽。不知何地。可以厝身。輒督屬廷頓死。而後已。熙先以既爲大事。宜須義康意旨。購乃作義康與湛之書。宣示同黨曰。吾凡人短才。生長富貴。任情用己。有過不聞。與物無恆。喜怒違實。致使小人多怨。士類不歸。禍敗已成。猶不覺悟。退加尋省。方知自招。刻肌刻骨。何所復補。然至於盡心奉上。誠貫幽顯。拳拳謹慎。惟恐不及。乃可恃寵驕盈。實不敢故爲欺罔也。豈苟藏逆心。以招灰滅。所以推誠自信。不復防護。異同率意。信心不顧。萬物議論。遂致讒巧。潛構衆惡。歸集甲奸。險好利負。吾事深乙。愚不齒肩。長無賴丙。丁趨走小子。唯知諂進。伺求長短。共造虛說。致令禍陷。骨肉誅戮。無辜凡在。過覺竟有何徵。而刑罰所加。同之元惡。傷和枉理。感徹天地。吾雖幽逼。日苦命在。漏刻義慨之士。時有音信。每知天文人事。及外間物情。土崩瓦解。必在朝夕。是爲憂起。羣賢濫延。國家夙夜憤踊。心腹交戰。朝之君子。及士庶白黑。懷義秉理者。寧可不識時運之會。而坐待橫流。耶。除君側之惡。非唯一代。况此等狂亂。罪孰終古。所無加之。戮戮易於摧朽。耶。可以吾意。宣示衆賢。若能同心奮發。族裂逆黨。豈非功均勛業。重造宋室乎。但兵凶戰危。或致侵濫。若有一豪犯順。誅及九族。處分之要。委之羣賢。皆當謹奉朝廷。動止聞啓。往日嫌怨。一時豁然。然後吾

當謝罪北闕就戮有司苟安社稷眼目無恨勉之勉之二十二年九月征北將軍衡陽王義季右將軍南平王鐸出鎮上於武帳岡祖道聘等期以其日爲亂而差互不得發於十一月徐湛之上表曰臣與范曄本無素舊中泰門下與之鄰省屢來見就故漸成周旋比年以來意態轉見傾動險忌富貴情深自謂任遇未高遂生怨望非唯攻伐朝士譏謗聖時乃上議朝廷下及藩輔驅扇同異恣口肆心如此之事已具上簡近員外散騎侍郎孔照先忽令大將軍府吏仲承祖騰購及謝綜等意欲收合不逞規有所建以臣昔蒙義康接盼又去歲羣小爲臣妄生風塵謂必有嫌懼深見勸誘兼云人情樂亂機不可失識緯天文並有徵驗購尋自來復具陳此并說臣論議轉惡全身爲難卽以啓聞被敕使相酬引究其情狀於是悉出檄書選事及同惡人名手墨翰跡謹封上呈凶悖之甚古今罕比由臣聞於交士聞此逆謀臨啓震惶荒情無措詔曰湛之表如此良可駭愕購索無行檢少負瑕釁但以才藝可施故收其所長頻加榮爵遂參清顯而險利之性有過谿壑不識恩遇猶懷怨憤每存容養冀能懷革不謂同惡相濟任悖至此便可收掩依法窮詰其夜先呼購及朝臣集華林東閣止於客省先已於外收綜及照先兄弟並皆款服於時上在延賢堂遣使問購購倉卒怖懼不卽首款上重遣問曰卿與謝綜徐湛之孔照先謀逆並已答款猶尙未死徵據見存何不依實購對曰今宗室磐石著嶽張時設使竊發僥倖倖方鎮便來討伐幾何而不誅夷且臣位任過重一階兩級自然必至如何以滅族

易此古人云左手據天下之圖右手劔其喉愚夫不爲臣雖尼下朝廷許其胸有所及以理而察臣不容有此上復遣問曰照先近在華林門外享欲面辦之乎購辭窮乃曰照先苟誣引臣臣當如何照先聞購不服笑謂殿中將軍沈郁之曰凡諸處符檄書疏皆范曄所造及治定云何於今方作如此抵牾耶上示以墨迹購乃具陳本末明日仗士送購付廷尉入獄問徐丹陽所在然後知爲湛之所發照先望風吐款辭氣不撓上奇其才遣人慰勞之曰以卿之才而滯於集書省理應有異志此乃我負卿也又詰責前吏部尚書何尚之曰使孔照先年將三十作散騎郎那不作賊照先於獄中上書曰囚小人猖狂識無遠概徒徇意氣之小感不料逆順之大方與第二弟休先首爲奸謀干犯國憲醢脬醢醢無補尤戾陛下大明含弘量包天海錄其一介之節猥垂優逮之詔恩非望始沒有遺榮終古以來未有斯比夫盜馬絕纓之臣懷璧投書之士其行至賤其過至微由識不世之恩以盡驅命之報卒能立功齊魏致動秦楚囚雖身陷禍逆名節俱喪然少也忼慨竊慕烈士之遺風但墜崖之木事絕升躋覆盆之物理乖收汲方當身膏鐵鉞詒詒方來若使魂而有靈結草無遠然區區丹抱不負夙心食及視息少得申暢自惟性愛羣書心解數術智之所周力之所至莫不窮攬究其幽微考論既往誠多審驗謹略陳所知條牒如故別狀願且勿遺棄存之中書若囚死之後或可追存庶九泉之下少塞覺責所陳並天文占候識上有骨肉相殘之禍其言深切購本意謂入獄便死而上窮其獄遂

經二旬購更有生望獄吏因戲之曰外傳僖事或當長繫購聞之驚喜綜照先笑之曰僖事尙可共嘯事時無不攘袂瞋目及在西池射堂上躍馬顧盼自以爲一世之雄而今擾攘紛紜長死乃爾設令今時賜以性命人臣圖主何顏可以生存購謂衛獄將曰惜哉難如此人將曰不忠之人亦何足惜購曰大將言是也購及子萬遙叔葉孔照先及弟休先景先思先照先子桂甫桂甫子白民謝綜及弟約仲承祖許曜諸所連及並伏誅

孔琳之

按宋書本傳琳之字彥琳會稽山陰人祖沈晉丞相掾父殿光祿大夫琳之彊正有志力好文義解音律能彈碁善草隸郡命主簿不就後辟本國常侍輕之尉桓元時議欲廢錢用穀琳琳之議曰洪範八政以貨大食豈不以交易之資爲用之至要者乎若使不以交易百姓用力於爲錢則是妨其爲生之業禁之可也今農自務穀工自務器四民各肆其業何嘗致勤於錢故聖王制無用之貨以通有用之財既無毀敗之費又省運置之苦此錢所以嗣功龜貝歷代不廢者也穀帛爲資本充衣食今分以爲貨則致損甚多又勞毀於商販之手耗棄於割截之用此之爲弊著於自曩故鍾繇曰巧僞之民競蘊澁穀以要利制薄絹以充資魏世制以嚴刑弗能禁也是以司馬芝以爲用錢非徒豐國亦所以省刑錢之不用由於兵亂積久自至於廢有由而然漢末是也今旣用而廢之則百姓頓亡其財今括囊天下穀以周天下之食或倉庾充衍或糧靡斗儲以相資通則貧者仰富致

之道實假於錢一朝斷之便爲棄物有錢無糧之民皆坐而餓因此斷錢之立敝也且據今用錢之處不爲貧用穀之處不爲富又民習來久革之必惑語曰利不百不易業况又錢便於穀邪魏明帝時錢廢穀用三十年矣以不便於民乃舉朝大議精力達治之士莫不以宜復用錢民無異情朝無異論彼尚舍穀帛而用錢足以明穀帛之弊著於已試世謂魏氏不用錢久積累巨萬故欲行之利公富國斯殆不然昔晉文後舅犯之謀而先成季之信以爲雖有一時之勳不如萬世之益於時名賢在列君子盈朝大謀天下之利害將定經國之要術若穀實便錢義不昧當時之近利而廢永用之通業斷可知矣斯實由困而思革改而更張耳近孝武之末天下無事時和年豐百姓樂業便自穀帛殷阜幾乎家給人足驗之事實錢又不妨民也頃兵革屢興荒饉薦及饑寒未振實此之由公既援而拯之大革視聽弘敦本之教明廣農之科敬授民時各順其業遊蕩知反務末自休固已南畝競力野無遺壤矣是以往升平必至何衣食之足卽愚謂救弊之術無取於廢錢元又議復肉刑琳之以爲唐虞象刑夏禹立辟蓋淳薄既異致化實同寬猛相濟惟變所適書曰刑罰世輕世重言隨時也夫三代風純而事簡故罕蹈刑辟季末俗巧而務殷故動陷憲網若三千行於叔世必省踴貴之尤此五帝不相循法肉刑不可悉復者也漢文發仁惻之意傷自新之路莫由革古創制號稱刑厝然名輕而實重反更傷民故孝景嗣位輕之以緩綏而民慢又不禁邪期於刑罰之中所以見美在昔歷代詳

論而未獲厥中者也兵荒復罹法更多棄市之刑本斬右趾漢文一謬承而弗革所以前賢悵悵恨議之而未辯鍾繇陳羣之意雖小有不同而欲右趾代棄市若從其言則所活者衆矣降死之生誠爲輕法然人情慎顯而輕昧忽遠而驚近是以盤盂有銘章鉉作佩況小人尤其所惑或目所不規則忽而不戒日陳於前則驚心駭矚由此言之重之不必不傷輕之不必不懼而可以全其性命蕃其產育仁既濟物功亦益衆又今之所患逋逃爲先屢叛不革逃身靡所亦以肅戒未犯未絕惡原至於餘條宜依舊制豈曰允中貴獻管穴元好人附悅而琳之不能順旨是以不見知遷楚臺員外散騎侍郎遭母憂去職服闋除司徒左西掾以父致仕自解時司馬休之爲會稽內史後將軍仍以琳之爲長史父憂去官服闋補太尉主簿尚書左丞揚州治中從事史所居著績衆官獻便宜議者以爲宜修庠序卽典刑審官方明黜陟舉逸拔才務農簡調琳之於衆議之外別建言曰夫璽印者所以辯章官爵立契符信官莫大於皇帝爵莫尊於公侯而傳國之璽歷代迭用襲封之印奕世相傳貴在仍舊無取改作今世唯尉一職獨用一印至於內外羣官每遷悉改討尋其義私所未達若謂官各異姓與傳襲不同則未若異代之爲殊也若論其名器雖有公卿之貴未若帝王之重若以或有誅夷之臣忌其凶穢則漢用璽璽延祚四百未聞以子嬰身戮國亡而棄之不佩帝王公侯之尊不疑於傳璽人臣衆僚之卑何嫌於卽卽戴籍未聞其說推例自乖其准而終年刻鑄喪功消實金銀銅炭之費不可稱

言非所以因循舊貫易簡之道愚謂衆官卽用一印無煩改作若有新置官又官多印少文或零失然後乃鑄則仰裨天府非唯小益又曰凶門柏裝不出禮典起自宋代積習生常遂成舊俗爰自天子達於庶人誠行之有由卒革必駭然苟無關於情而有愆禮度存之未有所明去之未有所失固當式遵先典釐革後謬况復兼以游費實爲民患者乎凡人士喪儀多出閭里每有此須動十數萬損民財力而義無所取至於寒庶則人思自竭雖復室如懸磬莫不傾產殫財所謂葬之以禮其若此乎謂宜謹遵先典一罷凶門之式表以素扇足以示凶又曰昔事故饑荒米穀綿絹皆貴其後米價登復而絹於今一倍綿絹既貴蠶業者滋難勉屬兼倍而貴猶不息愚謂致此良有其由昔事故之前軍器正用鎧而已至於袍襖補襦必俟戰陣實在庫藏未無損毀今儀從直衛及巡邏使命有防衛送迎悉用袍襖之屬非唯一府衆軍皆然綿帛易敗勢不支久又晝以禦寒夜以寢臥會未周年便自敗裂每絲綿新登易折租以市又諸府競收動有千萬積貴不已實由於斯私服爲之難貴官庫爲之空盡愚謂若待衛所須固不可廢其餘則依舊用鎧小小使命送迎之屬止宜給仗不煩鎧襖用之既簡則其價自降又曰夫不恥惡食唯君子能之敝饌尙奢爲日久矣今雖改張是弘而此風未革所甘不過一味而陳必方丈適口之外皆爲說目之費富者以之示夸貧者爲之卑產衆所同比而莫能獨異愚謂宜粗爲其品使奢儉有中若有不改加以貶黜則德儉之化不日而流遷尚書吏部郎義熙六

年高祖領平西將軍以爲長史大司馬琅邪王從事中郎又除高祖平北征西長史遷侍中宋臺初建除宋國侍中出爲吳興太守公事免永初二年爲御史中丞明憲直法無所屈撓奏劾尚書令徐羨之曰臣聞事上以奉憲爲恭臨下以威嚴爲整然後朝典惟明莅衆必肅斯道或替則憲綱其類臣以今月七日預皇太子正會會畢車去并猥臣停門待闕有何人乘馬當臣車前收捕驅遣命去何人罵詈收捕諮審欲錄每有公事臣常慮有紛紜語令勿問而何人獨罵不止臣乃使錄何人不肯下馬連叫大喚有兩威儀走來擊臣收捕尚書令省事倪宗又牽威儀手力擊臣下人宗云中丞何得行凶敢錄令公人凡是中丞收捕威儀悉皆縛取臣救下人一不得闕凶勢轉張有頃乃散又有羣人就臣車側錄收捕樊馬子牙行樂馬子頓伏不能還臺臣自錄非本無對校而宗敢乘勢凶恣篡奪罪身尚書令臣羨之與臣別車紛紜若此或云羨之不禁或云羨之禁而不止縱而不禁既乖國憲禁而不止又不經通陵犯監司凶聲彰赫容縱宗等曾無糾問虧損國威無大臣之體不有準繩風裁何寄羨之內居朝右外司輦轂位任隆重百辟所瞻而不能弘惜朝章肅是風軌致使字下縱肆凌暴憲司凶赫之聲起自京邑所謂已有短垣而自踰之又宗爲篡奪之主縱不糾問二三虧違宜有裁貶請免羨之所居官以公還第宗等篡奪之愆已屬掌故御史隨事檢處詔曰小人難可檢御司空無所問餘如奏羨之任居朝端不欲以犯憲示物時羨之領揚州刺史琳之弟璩之爲治中羨之使璩之解

釋琳之停寢其事琳之不許璩之固陳琳之謂曰我觸忤宰相正當罪止一身爾汝必不應從坐何須勤勤邪自是百僚震肅莫敢犯禁高祖甚嘉之行經蘭臺親加臨幸又領本州大中正遷祠部尚書不治產業家九貧素景平元年卒時年五十五追贈太常子邈有父風官至揚州治中從事史邈子觀別有傳觀弟道存世祖大明中歷黃門吏部郎臨海王子項前軍長史南郡太守晉安王子勛建僞號爲侍中行雍州事事敗自殺

按兗州府志琳之孔子二十八代孫也

孔祐

按闕里志二十八代祐管子有至行通神隱於四明山太守王僧虔引爲主簿不就

孔靈產

按闕里志二十八代靈產道隆子解天文有高志累遷光祿大夫齊高帝嘗稱有古人之風

孔道微

按闕里志二十九代道微祐子少厲高行隱居南山終身不窺都邑豫章王辟之不至

孔觀

按宋書本傳觀字思遠會稽山陰人太常琳之孫也父邈揚州治中觀少骨梗有風力以是非爲己任口吃好讀書早知名初舉揚州秀才補主簿長沙王義欣鎮軍功曹衡陽王義季安西主簿戶曹參軍領南義陽太守轉署記室奉牋固辭曰記室之局實惟華要自非文行秀敏莫或居之觀遜業之舉無聞於鄉部情遊之貶有編於疲農直山淵臧引用不遐棄故

得抃風儻潤憑附彌年今日之命非所敢冒昔之學優藝富猶尙斯難況觀能薄質魯亦何容易觀聞居方辨物君人所以官才陳力就列自下所以奉上觀雖不敏常服斯言今寵藉惟舊舉非尚德恐無以提衡一隅允視聽者也伏願天明照其心請乞改今局授以閑曹則鳬鶴從方所憂去矣又曰夫以記室之要宜須通才敏忠加性情勤密者觀學不綜貫性又疏情何可以屬知祕記秉筆文閭假吹之尤方斯非濫觀少淪常檢本無遠植榮進之願何能忘懷若實有螢燭增暉光景固其騰聲之日飛藻之辰也豈敢自求從容保其淡逸伏願矜其魯拙業之有地則曲成之施終始優渥義季不能奪遂得免召爲通直郎太子中舍人建平王友祕書丞中書侍郎隨王誕安東諮議參軍領記室黃門侍郎建平王宏中軍長史復爲黃門臨海太守初晉世散騎常侍選望甚重與侍中不異其後職任閑散用人漸輕孝建二年世祖欲重其選詔曰散騎職爲近侍事居規納置任之本實惟親要而項選常侍陵遲未允宜簡授時良永真清輒於是吏部尚書顏竣奏曰常侍華選職任俟才新除臨海太守孔觀意業閑素司徒長史王或懷尚清理並任爲散騎常侍世祖不欲欲權在下其後分吏部尚書置二人以輕其任侍中蔡典宗謂人曰選曹要重常侍閑淡改之以名而不以實雖主意欲爲輕重人心豈可變邪既而常侍之選復卑選部之貴不異觀領本州大中正大明元年改太子中庶子領翊軍校尉轉祕書監欲以爲吏部郎不果遷廷尉卿御史中丞坐鞭令史爲有司所糾原不問六年除

義興太守未之任爲尋陽王子房冠軍長史加寧朔將軍行淮南宣城二郡事其年復除安陸王子綬冠軍長史江夏內史復隨府轉後軍長史如故爲人使酒仗氣每醉輒彌日不醒僚類之間多所凌忽尤不能曲意權幸莫不畏而疾之不治產業居常貧罄無有豐約未嘗關懷爲二府長史典籤諮事不呼不敢前不令去不敢去雖醉日居多而明曉政事醒時判決未嘗有壅衆咸云孔公一月二十九日醉勝他人二十九日醒也世祖每欲引見先遣人覘其醉醒性眞素不尚矯飾遇得實玩服用不疑而他物蠹敗終不改易時吳郡顧覲之亦尚儉素衣裘器服皆擇其陋者朱世言清約稱此二人覲弟道存從弟徽頗營產業二弟請假東還覲出落迎之輜重十餘船皆是綿絹紙席之屬覲見之僞喜謂曰我比困乏得此甚要因命上置岸側既而正色謂道存等曰汝輩忝預士流何至還東作賈客邪命左右取火燒之燒盡乃去先是庚徽之爲御史中丞性豪麗服玩甚華覲代之衣冠器用莫不麤率蘭臺令史並三吳富人咸有輕之意覲蓬首緩帶風貌清嚴皆重迹屏氣莫敢欺犯庚徽之字景猷潁川鄆陵人也自中丞出爲新安王子鸞北中郎長史南東海太守卒官八年覲自鄆州行眞徵爲右衛將軍未拜徙司徒左長史道存代額爲後軍長史江夏內史時東土大旱都邑米貴一斗將百錢道存慮覲甚乏遣吏載五百斛米餉之覲呼吏謂之曰我在彼三載去官之日不辦有路糧二郎至彼未幾那能便得此米邪可載米還彼吏曰自古以來無有載米上水者都下米貴乞於此貨之

不聽吏乃載米而去永光元年遷侍中未拜復爲江夏王義恭太宰長史復出爲尋陽王子房右軍長史加輔國將軍行會稽郡事太宗即位召覲爲太子詹事遣故佐平西司馬庾業爲右軍司馬代覲行會稽郡事時上流反叛上遣都水使者孔瑗入東慰勞瑗至說覲以廢帝後費倉儲耗盡都下罄匱資用已竭今南北並起遠近離叛若擁王郡之銳招動三吳事無不克覲然其言遂發兵馳檄覲子長公瑒二子淹元並在都馳信密報泰始二年正月並叛逃東歸遣書要吳郡太守顧琛琛以母年篤老又密通京邑與長子素謀議未叛少子寶先時爲山陰令馳書報琛以南師已近朝廷孤弱不特順從必有覆滅之禍覲前鋒軍已渡浙江琛遂據郡同反吳興太守王曇生義興太守劉延熙晉陵太守袁標一時響應庾業既東太宗即以代延熙爲義興加建威將軍以延熙爲巴陵王休若鎮東長史業至長唐湖即與延熙合太宗遣建威將軍沈懷明東討尚書張永係進鎮東將軍巴陵王休若董統東討諸軍事移檄東土曰蓋聞豐集有兆禍至無門倚伏之來實惟人致故舊述貪亂終殄宗祀昌憲構氛旋潤斧鉞斯則昭章記牒炯戒今古者也自國步時艱三綱道盡神欺靈繹瑤業綴旒皇上仁雄集瑞英軼應歷風儀燁昇龍輝電舉盪穢紫樞不俟鳴條之誓凝政中寓不肆漂杵之威是以墜維再造虧天重構幽明裁紀標配斯光而羣凶肆虐協扇童孺最爾東垂復淪醜迹邪回從惡蜂動蟻附聖圖靈發神威四臨羽駟所屆義旅雲屬攬鉞所麾逆徒冰泮勝負之效皎然已顯司徒建安

王英猷冠世董率元戎驍騎山陽王風略夙昭撫厲中陳或振霜江蠶或騰蛟荆河金甲燭天庭聲震海浦前將軍吳興太守張永東南標秀協贊戎機建威將軍沈懷明鎮東中兵參軍劉亮武衛將軍壽寂之霜銳五千熊騰虎步龍驤將軍王穆之龍驤將軍頓生鐵騎連羣風驅電邁右將軍齊王射聲校尉姚道和樓艦千艘覆川蓋汜左軍垣恭祖步兵校尉杜幼文允從僕射全景文員外散騎侍郎孫超之並率虎旅駘騁雲赴殿中將軍杜敬眞殿中將軍陸攸之建武將軍吳喜甲楯一萬分趣義興子猷承人之總司戎統鋒劍東馳申憤海曲歎氣則白日盡晦刷馬則清江倒流以此伐叛何勑不勑以此柔服何順不懷慙彼羣迷弗辨堯桀螳螂微命擬雷電之衝已枯之葉當霜飈之隊尺豎所爲寒心匹婦所爲歎息夫因禍提慶資敗爲成前監不忘後事明筮若能相率歸順投兵効款則福鍾當年祉覃來裔孰如身軀宗屠鬼饒魂泣者哉詳鏡安危自求多福購生擒覲千五百戶開國縣侯生擒琛千戶開國縣侯斬送者半賞時將士多是東人父兄子弟皆已附逆上因送軍普加宣示曰朕方務德簡刑使四罪不相及助順同逆者一以所從爲斷卿等當深達此懷勿以親戚爲慮也衆於是大悅覲所遣孫曇曜等軍頓晉陵九里部陳甚盛懷明至奔牛所領寡弱以築壘自固張永至曲阿未知懷明安否百姓驚擾將士咸欲離散未退還延陵就休若諸將帥咸勸退保破圍其日大寒風雪甚猛塘決壞衆無固心休若宣令敢有言退者斬衆小定乃築壘息甲尋得懷明書賊定未進

軍主劉亮又繼至兵力轉加人情乃安時永世令孔景宣復反柵縣西江峴山斷遏津徑劉延熙加其寧朔將軍杜敬真陸攸之溧陽令劉休文攻景宣別峇斬其中兵參軍史覽之等十五人末世人徐崇之率鄉里起義攻縣斬景宣吳喜至板崇之領縣事太宗嘉休文等誠効除休文寧朔將軍縣如故崇之殿中將軍行末世縣事並賜侯爵喜敬真及員外散騎侍郎竺超之等至國山縣界遇東軍於虎檻村擊大破之自國山進吳城去義興十五里劉延熙遣楊元孫矯之沈靈秀黃泰四軍拒喜喜等兵力甚弱衆勢懸交戰盡日臨陳斬元孫黃泰餘衆一時奔走因進義興南郭外延熙屯軍南射堂喜遣步騎擊之即退還水北乃柵斷長橋保郡自守喜築壘與之相持庾業於長塘湖口夾岸築城有衆七千餘人器甲甚盛與延熙遙相犄角沈懷明張永與晉陵軍相持久不決太宗每遣軍輒多所求須不時上道外監朱劭舉司徒參軍督護任農夫驍果有膽力性又簡率資給甚易乃以千人配之使助東討時庾業兵盛農夫於延陵出長唐雖云千兵至者裁四百未至數十里遣人參候云賊築城猶未合農夫廣武將軍高尚之永與令徐崇之馳往攻之因其城壘未立農夫親持刀楯赴城入陳大破之庾業棄城走義興先是龍驤將軍阮佃夫募得蜀人數百多壯勇便戰皆著犀皮鎧執短兵本應就佃夫向晉陵未發會農夫須人分以配之及戰每先登東人並畏憚又怪其形飾殊異舊傳狐獾食人每見之輒奔走農夫收其船杖與高志之進義興援吳喜二月一日乃度水攻郡分兵擊

諸壘柵農夫雖至衆力尙少兵勢不敵喜乃與數騎登高東西指麾若招引四面俱進者東軍大駭諸營一時奔散唯龍驤將軍孔胤一柵未拔喜以殺傷者多乃開圍緩之其夜庾業孔胤相率奔走義興平劉延熙投水死有人告之乃斬尸傳首京邑義興諸縣唯綏安令巢遂秉節不移不受僞爵時齊王率軍東討與張永劉亮杜幼文沈懷明等於晉陵九里西結營與東軍相持義興軍既爲吳喜等所破奔散者多投晉陵東軍震恐上又遣積射將軍江方與南臺御史王道隆至晉陵視賊形勢賊帥孫曇瑾程捍宗陳遠凡有五城互連帶捍宗城猶未固其月三日道隆與齊王張永共議捍宗城既未立可以藉手上副聖旨下成衆氣道隆便率所領急攻之俄頃城陷斬捍宗首劉亮果勁便刀楯朝士先不相悉上亦弗聞唯尚書左丞徐爰知之白太宗稱其驍敢至是每戰以刀楯直盪往輒陷決張永嫌其過銳不令居前賊連柵周互塘道迫狹將士力不得展亮乃負楯而進直入重柵衆軍因之即皆摧破袁標遣千人繼至齊王與永等乘勝馳擊又大破之屠其南城曇瑾率衆數百鼓譟而至標又遣千人繼之衆軍駭懼將欲散矣江方與率勇士迎射之應詔倒者相繼曇瑾因此敗走吳喜軍至義鄉僞輔國將軍車騎司馬孔琬屯吳興南亭太守王曇生詣琬所事會信還云臺軍已近琬大懼墮牀曰懸賞所購唯我而已今不遽走將爲人禽左右聞之並各散走琬與曇生焚燒倉庫東奔錢塘喜至吳興頗置郡城倉廩遇雨不然無所損失初曇生遣寧朔將軍沈靈寵率八千人向黃鵠嶠

欲候道出蕪湖迎接南軍廣德令王蘊發兵據嶮壘寵不得進屯住故鄣曇生既走靈寵乃與弟靈昭軍副姚天覆率偏裨以下十七軍歸順大宗嘉之擢爲鎮東參軍事因率所領東討喜分遣軍主沈思仁吳係公追躡琬等陸攸之任農夫自東邊進向吳郡臺遣軍主張靈符即晉陵其月四日齊王急攻之其夜孫曇瑾陳景遠一時奔潰諸軍至晉陵袁標棄郡東走晉陵既平吳中震動吳興軍又將至顧琛與子寶素攜其老母泛海奔會稽海鹽令王乎邀討不及太宗以四郡平定畱吳喜統全景文沈懷明劉亮孫超之壽寂之等東平會稽追齊王張永姚道和杜幼文垣恭祖張靈符北討王穆之頓生江方與南伐其月九日喜等至錢唐錢唐令顧昱及孔琬王曇生等奔渡江東喜仍進軍柳浦諸暨令傅琰將家歸順喜遣鎮北參軍沈思仁彊弩將軍任農夫龍驤將軍高志之南臺御史沈佃夫揚武將軍盧僧澤等率軍向黃山浦東軍據岸結砦農夫等攻破之乘風舉帆直趨定山破其大帥孫會之於陳斬首自定山進向魚浦戍主孔胤率千餘人據壘拒戰佃夫使隊主闕法炬射殺樓上弩手胤衆驚駭思仁縱兵攻之斬其軍主孔奴於是敗散其月十九日吳喜使劉亮由鹽官海渡直指同浦壽寂之濟自漁浦邪趣未與喜自柳浦渡趣西陵西陵諸軍皆悉散潰斬庾業顧法直吳恭傳首京都東軍主卜道濟督戰許天賜請降庾業新野人也父彥達以幹局爲太祖所知爲益州刺史世祖世官至豫章太守太常卿劉亮全景文孫超之進次末與同市遇覬所遣陸孝伯孔豫兩軍與戰破之

斬孝伯豫首會稽聞西軍稍近將士多奔亡觀不能復制二十日上虞令王晏起兵攻郡觀以東西交逼憂遽不知所爲其夕率千餘人聲云東討實趣石礪先已具船海浦值湖涸不得去衆叛都盡門生載以小船竄於崎山村僞車騎從事中郎張綏先遣人於錢唐詣喜歸誠及觀走綏開封倉庫以待王師二十一日晏至郡入自北門四綏付作部其夜殺之執尋陽王子房於別署縱兵大掠府庫空盡若邪村民錄送僞龍驤將軍車騎中兵參軍軍主孔叔將斬之觀曰吾年已過立未嘗官伍蒙知己之顧以身許之今日就死亦何所恨含笑就戮孔驥叛投門生陸林夫林夫斬首送之二十二日崎山民縛觀送晏晏謂之曰此事孔驥之爲無豫卿事可作首辭當相爲申上觀曰江東處分莫不由身委罪求活便是君輩行意耳晏乃斬之東閣外臨死求酒曰此是平生所好時年五十一顧琛王曇生袁標等並詣喜歸罪喜皆宥之琛子寶素與父相失自縊死東軍主凡七十六人於陳斬十七人其餘皆原有初遣東業向會稽追使奉朝請孫長度送仗與之并令召募行達晉陵袁標就其求仗長度不與爲標所殺追贈給事中先是鄧琬遣臨川內史張淹自南路出東陽淹遣龍驤將軍桂遼征西行參軍劉越緒屯據定陽縣巴陵王休若遣沈思仁討之思仁遣軍主崔公烈攻其營斬幢主朱伯符首桂遼劉越緒諸軍並奔逸晉安太守劉瞻據郡同逆建安內史趙道生起義討之聚徒未台七月思仁遣軍主姚宏祖鮑伯奮應寄生等討破瞻斬之於羅江縣鄧琬先遣新安太守楊伯子及軍主任

獻子冀駭縣縣令吳茹公固守力不敵棄城走伯子等屯據縣城茹公與臺軍主丘敬文李靈賜蕭伯壽等攻圍彌時八月乃剋斬伯子獻子首張淹屯軍上饒縣聞劉胡敗軍副都陽太守費曇欲圖之詐云得鄧琬信急召諮論欲因此斬淹淹素事佛方禮佛不得時進曇復誣云捕虎借大鼓及仗士二百人淹信而與之曇因率衆入山饗士約誓揚言虎走城西鳴鼓大呼直來趣城城門守衛悉委仗觀之曇率衆突入淹正禮佛聞難走出因斬首

南齊

孔稚珪

按南齊書本傳稚珪字德璋會稽山陰人也祖道隆位侍中父靈產泰始中罷晉安太守有隱遁之懷於禹井山立館事道精篤吉日於靜屋四向朝拜涕泗滂沱東出過錢塘北郭輒於舟中遙拜杜子恭墓自此至都東向坐不敢背側元微中爲中散大夫頗解星文好術數太祖輔政沈攸之起兵靈產密白太祖曰攸之兵衆雖強以天時冥數而觀無能爲也太祖驗其言擢遷光祿大夫以寵盛靈產上靈臺令其古候餉靈產白羽扇素隱几曰君性好古遺君古物稚珪少學涉有美譽太守王僧虔見而重之引爲主簿州舉秀才解褐宋安成王車騎法曹行參軍轉尚書殿中郎太祖爲驃騎以稚珪有文翰取爲記室參軍與江淹對掌辭筆遷正員郎中書郎尚書左丞父憂去官與兄仲智還居父山舍仲智娶李氏驕妒無禮稚珪白太守王敬則殺之服闋爲司徒從事中郎州治中別駕從事史本郡中正永明七年轉驍騎

將軍復領左丞遷黃門郎左丞如故轉太子中庶子廷尉江左相承用晉世張杜律二十卷世祖留心法令數訊囚徒詔獄官詳正舊注先是七年尚書刪定郎王植撰定律章奏之曰臣尋晉律文簡辭約旨通大綱事之所質取斷難釋張裴杜預同注一章而生殺未殊自晉泰始以來唯斟酌參用是則吏挾威福之勢民懷不對之怨所以溫舒獻辭於失政絳侯抗慨而與歎皇運革祚道冠前王陛下紹興光開帝業下車之痛每側上仁滿堂之悲有矜聖思爰發德音刪正刑律救臣集定張杜二注謹囑愚蒙盡思詳撰削其煩害錄其允衷取張注七百三十一條杜注七百九十一條或二家兩釋於義乃備者又取一百七條其注相同者取一百三條集爲一書凡一千五百三十二條爲二十卷請付外詳校摭其違謬從之於是公卿八座參議考正舊注有輕重處竟陵王子良下意多使從輕其中朝議不能斷者制旨平決至九年稚珪上表曰臣聞匠萬物者以繩墨爲正馭大國者以法理爲本是以古之聖王臨朝思理遠防邪萌深杜姦漸莫不資法理以成化明刑賞以樹功者也伏惟陛下躋曆登皇乘圖踐帝天地更築日月再張五禮裂而復縫六樂頽而爰緝乃發德音下明詔降恤刑之文申慎罰之典敕臣與公卿八座共刪注律謹奉聖旨諮審司徒臣子良稟受成規創立條緒使兼監臣宋躬兼平臣王植等抄撰同異定其去取詳議八座裁正大司馬臣疑其中洪疑大議衆論相背者聖照元覽斷自天筆始就成立律文二十卷錄敘一卷凡二十一卷今以奏聞請付外施用宣下四

海臣又聞老子仲尼曰古之聽獄者求所以生之今之聽獄者求所以殺之與其殺不辜寧失有罪是則斷獄之職自古所難矣今律文雖定必須用之得失其平不異無律律書精細文約側廣疑似相傾故誤相亂一乖其綱枉濫橫起法吏無解既多謬僻監司不習無以相斷則法書徒明於帙裏冤魂猶結於獄中今府州郡縣千有餘獄如令一獄歲枉一人則一年之中枉死千餘矣冤毒之死上千和氣聖明所急不可不防致此之由又非但律吏之咎列邑之宰亦亂其經或以軍勳餘力或以勞吏暮齒憤情濁氣忍并生靈昏心狠惡吞剝氓物虐理殘其命曲文被其罪冤積之典復緣斯發獄吏雖良不能為用使于公哭於邊城孝婦冤於遐外陛下雖欲宥之其已血濺九泉矣尋古之名流多有法學故釋之定國聲光漢臺元常文惠續映魏閣今之士子莫肯為業縱有習者世議所輕良由空慙永歲不逢一朝之賞積學當年終為閭伍所嗤將恐此書永墜下走之手矣今若弘其爵賞開其勸募課業宦流班習胥子拔其精究使處內局簡其才良以居外任方岳咸選其能邑長竝擢其術則臯繇之謀指掌可致杜鄭之業豐焉何遠然後姦邪無所逃其刑惡吏不能藏其詐如身手之相驅若弦括之相接矣臣以疎短謬司大理陛下發自聖衷憂矜刑網御筵奉訓遠照民瘼臣謹仰述天官伏奏雲陛所奏繆允者宜寫律上國學置律學助教依五經例國子生有欲讀者策試上過高第即便擢用使處法職以勸士流詔報從納事竟不施行轉御史中丞遷驃騎長史輔國將軍建武初遷冠軍

將軍平西長史南郡太守稚珪以虜連歲南侵征役不息百姓死傷乃上表曰匈奴為患自古而然雖三代智勇兩漢權奇算略之要一塗而已一則鐵馬風馳奮威沙漠二則輕車出使通驛虜庭推而言之優劣可觀今之議者咸以丈夫之氣恥居物下况我天威寧可先屈吳楚勁猛帶甲百萬截被鯨鯢何往不碎請和示弱非國計也臣以為荒裔之性本昧人倫鳴鳴狼踞不足喜怒蜂目蠶尾何關美惡唯宜勝之以深權制之以遠竿弘之以大度處之以蠹賊豈足肆天下之忿捐蒼生之命發雷電之怒爭蟲鳥之氣百戰百勝不足稱雄橫屍千里無益上國而蟻聚蠶攢窮誅不盡馬足毛羣難與競逐漢高橫威海表窘迫長圍孝文國富刑清事屈陵辱宣帝撫納安靜朔馬不驚光武卑辭厚禮塞山無驚是兩京四主英濟中區輸寶貨以結和遣宗女以通好長轡遠馭子孫是賴豈不欲戰惜民命也唯漢武藉五世之資承六合之富驕心奢志大事匈奴遂連兵積歲轉戰千里長驅瀚海飲馬龍城雖斬獲名王屠走凶羯而漢之器甲亡亡其九故衛霍出關千隊不反貳師入漢百旅頓降李廣敗於前鋒李陵沒於後陣其餘奔北不可勝數遂使國儲空懸戶口減半好戰之功其利安在戰不及和相去何若自西朝不綱東晉還鼎羣鹵沸亂羌秋交橫荆棘橫於陵廟豺虎咆於官闈山淵反覆黔首塗地逼迫崩騰開闢未有是時得失略不稍陳近至元嘉多年無事末路不量復挑疆敵遂迺連城覆徙虜馬飲江青徐之際草木為人耳建元之初鹵塵犯塞永明之始復結通和十餘年間邊候且

息陛下張天造曆駕日登皇聲雷寓宙勢壓河岳而封豕殘魂未屠劍首長蛇餘喘偷窺外甸烽亭不靜五載於斯昔歲蟻壤瘠食焚漢今茲蟲毒浸淫未已典師十萬日費千金五歲之費寧可貴計陛下何惜匹馬之驛百金之賂數行之詔誘此凶頑使河塞息肩關境全命蓄甲養民以觀彼弊我策若行則為不世之福若不從命不過如戰失一隊耳或云遣使不受則為辱命夫以天下為量者不計細恥以四海為任者寧顧小節一城之沒尚不足惜一使不反會何取慙且我以權取貴得我略行何嫌其恥所謂尺蠖之屈以求伸也臣不言遣使必得和自有可和之理猶如欲戰不必勝而有可勝之機耳今宜早發大軍廣張兵勢徵犀甲於岷峨命樓船於浦海使自青徂豫候騎星羅沿江入漢雲陣萬里據險要以奪其魂斷糧道以折其膽多設疑兵使精銷而計亂固列金湯使神茹而慮屈然後發衷詔馳輕驛辭重幣陳列吉凶北虜頑而愛奇貪而好貨畏我之威喜我之賂畏威喜賂順和必矣陛下用臣之啓行臣之計何憂玉門之下而無款塞之胡哉彼之言戰既慙臣之言和亦慙伏願察兩塗之利害儉二事之多少聖照元省灼然可斷所表謬奏希下之朝省使同博議臣謬荷殊恩奉佐侯岳敢肆瞽直伏奏千里帝不納徵待中不行留本任稚珪風韻清疎好文詠飲酒七八斗與外兄張融情趣相得又與琅邪王恩遠廬江何點點弟引竝款交不樂世務居宅盛營山水憑機獨釣傍無雜事門庭之內草萊不翦中有蛙鳴或問之曰欲為陳蕃乎稚珪笑曰我以此當兩部鼓吹

何必期效仲舉末元元年爲都官尚書遷太子詹事加散騎常侍三年稚珪疾東昏屏除以牀舉走因此疾甚遂卒年五十五贈金紫光祿大夫

孔琇之

按南齊書本傳琇之會稽山陰人也祖季恭光祿大夫父靈運著作郎琇之初爲國子生舉孝廉除衛軍行參軍員外郎尚書三公郎出爲烏程令有吏能還遷通直郎補吳令有小兒年十歲偷刈鄰家稻一束琇之付獄治罪或諫之琇之曰十歲便能爲盜長大何所不爲縣中皆震肅遷尚書左丞又以職事知名轉前將軍兼少府還驍騎將軍少府如故出爲寧朔將軍高宗冠軍征虜長史江夏內史還爲正員常侍兼左民尚書廷尉卿出爲臨海太守在任清約罷郡還獻乾薑二十斤世祖嫌少及知琇之清乃歎息除武陵王前軍長史未拜仍出爲輔國將軍監吳興郡尋拜太守治稱清嚴高宗輔政防制諸蕃致密旨於上佐隆昌元年遷琇之爲寧朔將軍晉熙王冠軍長史行郢州事江夏內史琇之辭不許未拜卒

梁

孔休源

按兖州府志休源字慶緒孔子三十一代孫也齊舉秀才梁歷中書舍人尚書右丞累佐名藩甚得人譽精通詳練強正慎密終金紫光祿大夫諡曰貞手校書七十卷有文集十五卷

陳

孔奐

按陳書本傳奐字休文會稽山陰人也曾祖琇之齊

左民尚書吳興太守祖琇太子舍人尚書三公郎父稚孫梁寧遠枝江公主簿無錫令奐數歲而孤爲叔父度孫所養好學善屬文經史百家莫不通涉沛國劉顯時稱學府每共奐討論深相歡服乃執奐手曰昔伯喈墳索悉與仲宣吾當希彼蔡君足下無愧王氏所保書籍尋以相付州舉秀才射策高第起家揚州主簿宣惠湘東王行參軍並不就又除鎮西湘東王外兵參軍入爲尚書倉部郎中遷儀曹侍郎時左民郎沈炯爲飛書所誘將陷重辟事連臺閣人懷憂懼奐廷議理之竟得明白丹陽尹何敬容以奐剛正請補功曹史出爲南昌侯相值侯景亂不之官京城陷朝士並被拘繫或薦奐於賊帥侯子鑒子鑒命脫桎梏厚遇之令掌書記時景軍士悉資其凶威子鑒景之腹心委任又重朝士見者莫不卑俯屈折奐獨敖然自若無所下或諫奐曰當今亂世人思苟免獨獨無知豈可抗之以義奐曰吾性命有在雖未能死豈可取媚媚醜以求全乎時賊徒剝掠子女拘逼士庶奐每保持之得全濟者甚衆尋遭母憂哀毀過禮時天下喪亂皆不能終三年之喪唯奐及吳國張種在寇亂中守持法度並以孝聞及景平司徒王僧辯先下辟書引奐爲左西曹掾又除丹陽尹丞梁元帝於荊州即位徵奐及沈炯並令西上僧辯累表請留之帝手勅報僧辯曰孔沈二士今且借公其爲朝廷所重如此仍除太尉從事中郎僧辯爲揚州刺史又補揚州治中從事史時侯景新平每事草創憲章故事無復存者奐博物彊識甄明故實問無不知儀注體式牋表書翰皆出於奐高祖作相除司徒右長史

遷給事黃門侍郎齊遣東方老蕭軌等來寇軍至後湖都邑騷擾又四方壅隔糧運不繼三軍取給唯在京師乃除奐爲貞威將軍建康令時累歲兵荒戶口流散勅散忽至徵求無所高祖冠日決戰乃令奐多營麥飯以荷葉裹之一宿之間得數萬裹軍人旦食訖棄其餘因而決戰遂大破賊高祖受禪遷太子中庶子永定二年除晉陵太守晉陵自宋齊以來舊爲大郡雖經寇擾猶爲全實前後二千石多行侵暴奐清白自守妻子並不之官唯以單船歸郡所得秩俸隨卽分贈孤寡郡中大悅號曰神君曲阿富人殷綺見奐居處素儉乃餉衣一襲莊被一具奐曰太守身居美祿何爲不能辦此但民有未周不吝獨享溫飽耳勞卿厚意幸勿爲煩初世祖在吳中聞奐善政及踐祚徵爲御史中丞領揚州大中正奐性剛直善持理多所糾劾朝廷甚敬憚之深達治體每所敷奏上未嘗不稱善百司滯事皆付奐決之遷散騎常侍領步兵校尉中書舍人掌詔諸揚東揚二州大中正天嘉四年重除御史中丞尋爲五兵尚書常侍中正如故時世祖不豫臺閣衆事並令僕射到仲舉共決之及世祖疾篤奐與高宗及仲舉并吏部尚書袁樞中書舍人劉師知等人侍醫藥世祖嘗謂奐等曰今三方鼎峙生民未乂四海事重宜須長君朕欲近則晉成遠隆殷法卿等須遵此意奐乃流涕歔歔而對曰陛下御膳遠和痊復非久皇太子春秋鼎盛聖德日躋安成王介弟之尊足爲周旦阿衡宰輔若有廢立之心臣等愚誠不敢聞詔世祖曰古之遺直復見於卿天康元年乃用奐爲太子詹事二州中正如故

世祖崩廢帝即位除散騎常侍國子祭酒光大二年出爲信武將軍南中郎康樂侯長史尋陽太守行江州事高宗即位進號仁威將軍雲麾始興王長史餘並如故吳在職清儉多所規正高宗嘉之賜米五百斛并累降勅書殷勤勞問太建三年徵爲度支尚書領右軍將軍五年改領太子中庶子與左僕射徐陵參掌尚書五條事六年遷吏部尚書七年加散騎常侍八年加侍中時有事北討尅復淮泗徐陵會長降附相繼封賞選敘紛紜重疊應接引進門無停賓加以鑒識人物詳練百氏凡所甄拔衣冠縉紳莫不悅伏性耿介絕請託雖儲副之尊公侯之重溺情相及終不爲屈始興王叔陵之在湘州累諷有司固求臺鉉吳曰衰章之職本以德舉未必皇枝因抗言於高宗高宗曰始興那忽望公且朕兒爲公須在鄱陽王後吳曰臣之所見亦如聖旨後主時在東宮欲以江總爲太子詹事令管記陸瑜言之於吳吳謂瑜曰江有潘陸之華而無園綺之實輔弼儲宮竊有所難瑜具以白後主後主深以爲恨乃自言於高宗高宗將許之吳乃奏曰江總文華之人今皇太子文華不少豈藉於總如臣愚見願選敦重之才以居輔導帝曰卽如卿言誰當居此吳曰都官尚書王廓世有懿德識性敦敏可以居之後主時亦在側乃曰廓王泰之子不可居太子詹事吳又奏曰宋朝范曄卽范泰之子亦爲太子詹事前代不疑後主固爭之帝卒以總爲詹事由是忤旨其梗正如此初後主欲官其私寵以屬吳吳不從及右僕射陸繹遷職高宗欲用吳已草詔詔爲後主所抑遂不行九年遷侍中中書令

領左驍騎將軍揚東揚豐三州大中正十一年轉太常卿侍中正並如故十四年遷散騎常侍金紫光祿大夫領前將軍軍未拜改領弘範宮衛尉至德元年卒時年七十贈散騎常侍本官如故有集十五卷彈文四卷子紹新紹忠紹忠字孝揚亦有才學官至太子洗馬儀同都陽王東曹掾

孔宗範

按闕里志三十二代宗範休源少子聰敏有識度陳中書黃門侍郎

北魏

孔靈珍

按闕里志二十八代靈珍授祕書郎孝文帝太和十九年仍封崇聖侯食邑一千戶生子一文泰

孔文泰

按闕里志二十九代文泰襲封崇聖侯食邑一千戶年五十八卒葬祖墓南生子渠

北齊

孔渠

按闕里志三十代渠襲封崇聖侯北齊文宣帝天保元年改封恭聖侯後周靜帝大象二年改封鄒國公食邑一千戶生子一長孫

北周

孔長孫

按闕里志三十一代長孫周武帝宣政元年襲封鄒國公食邑一千戶年六十四卒葬祖墓西北生子二英哲嗣哲

孔英哲

按闕里志三十二代英哲封奉聖侯無子

隋

孔嗣哲

按闕里志嗣哲隋文帝時應制登科授涇州司兵參軍遷太子通事舍人襲封鄒國公煬帝大業四年改封紹聖侯食邑一千戶年七十卒葬祖墓西生子一德倫

唐

孔穎達

按唐書本傳穎達字仲達冀州衡水人八歲就學誦記日千餘言聞記三禮義宗及長明服氏春秋傳鄭氏尚書詩禮記王氏易善屬文通步曆嘗造同郡劉焯焯名重海內初不之禮及諸質所疑遂大畏服隋大業初舉明經高第授河內郡博士煬帝召天下儒官集東都詔國子祕書學士與論議穎達爲冠又年最少老師宿儒恥出其下陰遣客刺之匡楊元感家得免補太學助教隋亂避地虎牢太宗平洛授文學館學士遷國子博士貞觀初封曲阜縣男轉給事中時帝新即位穎達數以忠言進帝問孔子稱以能問於不能以多問於寡有若無實若虛何謂也對曰此聖人教人謙耳己雖能仍就不能之人以資所未能己雖多仍就寡少之人更資其多內有道外若無中雖實容若虛非特匹夫君德亦然故易稱蒙以養正明夷以莅衆若其據尊極之位銜聰耀明恃才以肆則上下不通君臣道乖自古滅亡莫不由此帝稱善除國子司業歲餘以太子右庶子兼司業與諸儒議曆及明堂事多從其說以論議勞加散騎常侍爵爲

子皇太子令類達譯孝經章句因文以盡箴諷帝知數爭太子失賜黃金一斤絹百匹久之拜祭酒侍講東宮帝幸太學觀釋菜命類達講經畢上釋奠頌有詔褒美後太子稍不法類達爭不已乳夫人曰太子既長不宜數面折之對曰蒙國厚恩雖死不恨割切愈至後致仕卒陪葬昭陵贈太常卿諡曰憲子志終司業志子惠元力學寡言又爲司業擢累太子諭德三世司業時人美之

孔德倫

按闕里志三十三代德倫唐高祖武德九年改封東聖侯太宗貞觀十一年詔朝會位同三品食邑一千戶天授元年賜勅書及時服年七十一卒子崇基

孔崇基

按闕里志三十四代崇基中宗嗣聖十二年襲封東聖侯年五十六卒生子一燧之

孔燧之

按闕里志三十五代燧之字藏暉元宗開元五年襲封東聖侯二十七年改封文宣公邑一千戶生子萱

孔季誦

按闕里志三十五代季誦字季和楨子早知名登制科陳子昂嘗稱公神清韻遠終左補闕

孔若思

按闕里志三十五代若思紹安孫以學行知名累遷給事中中宗朝再轉禮部侍郎出爲衛州刺史以清白稱加銀青光祿大夫歷汝州刺史太子右諭德

孔萱

按闕里志三十六代萱襲封文宣公兼兗州泗水令

生子一齊卿

孔至

按闕里志三十六代至字惟微若思子著作郎明氏族學撰百家類例

孔巢父

按唐書本傳巢父字弱翁子三十七世孫也少力學隱徂來山宋王璘稱兵江淮辟署幕府不應錢贖民伍璘敗知名廣德中李季卿宣撫江淮薦爲左衛兵曹參軍三遷庫部員外郎出爲涇原行軍司馬累拜湖南觀察使未行會普王爲荊襄副元帥署行軍司馬俄而德宗狩奉天行在擢給事中爲河中陝華招討使累上破賊方略帝嘉納未幾兼御史大夫爲魏博宣慰使巢父辯而才及見田悅與言君臣大義利害逆順開曉其衆是時悅久不臣下皆厭亂雖然喜曰不圖今日還爲王人酒中悅起自陳騎射工曰陛下見用何敢不摧巢父曰若爾不蚤自歸乃一劇賊耳悅曰能爲劇賊豈不能爲功臣乎巢父曰國方多虞待子而息悅謝焉數日田緒殺悅與大將邢曹俊等聽命巢父即以緒權知軍務紓其難李懷光據河中帝復令巢父宣慰罷其兵以太子太保授之懷光素服待命巢父不止衆怨曰太尉無官矣方宣詔乃謀而合害巢父并殺中人啖守盈初巢父至懷光以其使魏博而田悅死疑其謀出巢父故軍亂不肯救帝聞震悼贈尚書左僕射諡曰忠諫具禮收葬賜其家粟帛存卹之從子戮戮戮

孔齊卿

按闕里志三十七代齊卿德宗建中三年襲封文宣

公遭叛亂陷于東平生子惟旺文瑾

孔惟旺

按闕里志三十八代惟旺憲宗元和十三年東平兵解歸魯襲封文宣公年六十五卒葬祖墓東生子策

孔戮

按唐書孔巢父傳巢父從子戮字君嚴擢進士第鄭滑盧羣辟爲判官羣卒攝總留務監軍楊志謙雅自肆衆皆恐戮遠志謙至府與對榻臥起不疑志謙嚴憚不敢動入爲侍御史累擢諫議大夫條上四事一多冗官二吏不奉法三百姓田不盡墾四山澤樵酤爲州縣弊憲宗異其言中人劉希光受賂二十萬緡抵死吐突承璀坐厚善逐爲淮南監軍太子舍人李涉知帝意投匭上言承璀有功不可棄戮得副章不肯受面質讓之涉更因左右以聞戮劾奏涉結近倖管罔上聽有詔斥涉峽州司馬官龍側目人爲危之戮自以適所志軒軒甚得俄兼太子侍讀改給事中江西觀察使李少和坐賊獄寢不下博陵崔易簡殺從父兄鞠狀具京兆尹左右之翻其情狀慷慨論正貶少和殺易簡奪尹三月俸再遷尚書左丞信州刺史李位好黃老道數祠禱部將韋岳告位集方士圖不軌監軍高重譏上急變捕位劾禁中戮奏刺史有罪不容繫仗內請付有司詔送御史臺戮與三司雜治無反狀岳坐誣罔誅貶位建州司馬中人愈怒故出爲華州刺史明州歲貢淡菜蚶蛤之屬戮以爲自海抵京師道路役凡四十三萬人奏罷之歷大理卿國子祭酒會嶺南節度使崔詠死帝謂裴度曰嘗論罷蚶菜者誰歟今安在是可往爲朕求之度以戮

對即拜嶺南節度使既至死屬州連負十八萬緡米

八萬斛黃金稅歲八百兩先是屬刺史俸率二萬又不時給皆取部中自衣食殘乃倍其俸約不得爲貪

暴稍以法繩之南方驚口爲貨掠人爲奴婢戮峻爲之禁親吏得嬰兒於道收育之戮論以死由是閭里

相約不敢犯士之斥南不能北歸與有罪之後百餘族才可用之稟無告者女子爲嫁遣之蕃舶泊步

有下碇稅始至有閭貨宴所餉犀珥下及僕隸戮禁絕無所求索舊制海商死者官籍其貲滿三月無妻

子詣府則沒入戮以海道歲一往復苟有驗者不爲限悉推與自貞元中黃洞諸蠻叛久不平容桂二管

利虜掠幸有功乃請合兵討之戮固言不可帝不聽大發江湖兵會二管入討士被瘴死者不勝計安南

乘之殺都護李象古而桂管裴行立客管陽旻皆無功憂死獨戮不邀一旦功交廣晏然大治穆宗立以

吏部侍郎召改右散騎常侍還爲左丞以老自乞雅善韓愈謂曰公尚壯上三留何去之果戮曰吾豈要

君者吾年一宜去吾爲左丞不能進退郎官二宜去愈曰公無雷資何恃而歸曰吾負二宜去尙奚顧子

言愈嗟歎即上疏言臣與戮同在南省數與戮相見其爲人守節清苦論議正平年七十筋力耳目未衰

憂國忘家用意至到如戮輩在朝不過三數人陛下不宜苟順其求不謂自助也禮大夫七十致事若不

得謝則賜之几杖安車不必七十盡許致仕今戮據禮求退陛下若不聽許亦無傷義而有貪賢之美不

報以禮部尚書致仕歲致羊酒如漢徵士禮卒年七十三贈兵部尚書諡曰貞子遵孺溫裕仕爲天平節

度使遵孺子緯

孔載

按唐書孔巢父傳巢父從子載字勝始進士及第補修武尉以大理評事佐昭義李長榮節度府長榮死

盧從史自別將代之雷署掌書記從史稍得志益驕與王承宗田緒陰相結欲久連兵以固其位載始陰

爭不從則於會肆言以折之從史始若受其言後僂蹇不軌載遂以疾歸洛陽未幾李吉甫鎮揚州表置

幕府載未應從史曰是欲舍我而從人邪即誣以事奏三上詔以衛尉丞分司東都自貞元後帥鎮効奏

僚佐不驗輒斥至是給事中呂元膺執不可憲宗遣使諭曰朕非不知載行用之矣未幾卒年五十七從史敗追贈司勳員外郎

孔戢

按唐書孔巢父傳巢父從子戢字方舉初父死難詔與一千官補修武尉不受以讓其兄戢擢明經書判

高等爲校書郎陽翟尉累遷殿中侍御史分司東都昭義判官徐攻故嘗助盧從史爲跋扈者從史敗孟

元陽代欲復用之戢移書昭義前繫政乃上列其狀帝怒流改播州轉侍御史庫部員外郎始朱泚以彭

偃爲中書舍人偃子充符得不死辟鄜坊府或薦其能召還京師戢謂京兆尹裴武曰泚所下詔令皆偃

爲之悖逆子不鳥竄獸伏乃干譽求進乎子孟效季孫行父逐莒僕以勉事君者武即逐出充符拜京兆

尹再遷爲湖南觀察使召授右散騎常侍京兆尹歲旱文宗憂甚戢躬祠曲江池一夕大澍帝悅詔兼御史大夫卒贈工部尚書子溫業

孔載

按闕里志三十八代載父子貞元二十七年及第

孔溫業

按唐書孔巢父傳巢父從子載戢子溫業字遜志擢進士第大中時爲吏部侍郎求外遷宰相白敏中顧

同列曰吾等可少警孔吏部不樂居朝矣後爲太子賓客

孔緯

按唐書孔巢父傳巢父從子戮戮孫緯字化文少孤依諸父多與有名者游才譽蚤成擢進士第東川崔

慎由表置幕府從崔鉉淮南復從慎由守河中再遷觀察判官宰相楊收薦以長安尉直弘文館遷監察

御史進禮部員外郎兼集賢直學士母喪解還爲右司員外郎趙隱言其才拜翰林學士俄知制誥頻遷

戶部侍郎擢御史中丞緯方雅疾惡若讎中外聞風未繩輒肅三遷吏部侍郎權要私謁至盈几一不省

當路不悅改太常卿從僖宗西到蜀以刑部尚書判戶部蕭遘雅不喜坐調度不給改太子少保及帝避

朱攻次陳倉惟黃門衛士數百扈乘輿詔拜緯御史大夫令趣百官至行在時羣臣露次整屋爲盜剽荷

衣囊略盡緯謁宰相欲有所論違與裴澈怨田令孜不欲行辭不見緯召御史曰吾等身被恩誼不辭難

今詔羣臣皆不至夫與人布衣游猶有緩急相卹况於君乎且泣下御史亦辭方寇敗丐食請辦一日費而行緯曰吾妻疾旦暮盡丈夫豈以家事後國事乎

公善自謀吾行決矣往見李昌符曰詔書再至而羣臣顧未行僕大夫也不敢後願假兵護送天子所昌

符具資裝送之既及行在緯策政必反建言開邑院

挾不足駐六師請幸梁州即日去陳倉而攻兵至微

緯言幾不脫進拜兵部侍郎同中書門下平章事攻

平從帝還領諸道鹽鐵轉運使累遷尚書左僕射賜

號持危啓運保又功臣鐵券恕十死又賜天興良田

善和里第各一區兼京畿管田使昭宗即位進司空

以太學焚殘乃兼國子祭酒完治之加司徒封魯國

公帝將郊見中尉樞密使索宰相朝服有司白中人

無衣冠助祭事中尉怒責禮官必得緯言中人不朝

服國典也陛下欲假借之則請以所兼官爲之服諫

官固執帝召謂曰方舉大禮爲我容之進兼太保時

天武都頭李順節疏暴人也以浙西節度使兼平章

事臺史白已謝當班見百官緯判止之明日順節盛

服至則無班快快去他日見緯以爲言緯曰固疑公

見望也且百辟卿士天子廷臣班見宰相以幸相爲

之長公提天武健兒據堂受禮安乎必欲用之去都

頭乃可順節慙縮不敢言張潯將伐太原帝不決以

問緯緯助潯請既潯敗坐傳會出爲荆南節度使俄

貶均州刺史二人皆密結朱全忠全忠爲請詔聽所

便乃屏居華陰李茂貞入殺韋昭度帝惡大臣朋比

與藩臣交更召緯入朝擢吏部尚書以司空門下侍

郎復輔政使者敦勸力疾到京師見帝嗚咽流涕自

陳衰疾不任事乞歸田里帝動容詔使者送緯至堂

視事會天子出次石門從至莎城以病還都家人召

醫視緯曰天下方亂何久求生不肯服藥卒贈太尉

文宣公遷國子尚書博士生子振

孔振

按闕里志四十代振字國文懿宗咸通四年狀元及

第除祕書省校書郎歷監察御史左補闕水部員外

郎襲封文宣公生子一昭儉

孔拯

按闕里志四十代拯字弘濟襲封振之弟中和二年

狀元及第歷侍郎拯弟郁子述字彰聖述子檉同

光元年避地吳越因家於溫州之平陽吳越王累聘

孔綸

按闕里志四十代綸字昌言咸通二年與兄綯同榜

進士第九人及第歷殿中侍御史戶部郎中

孔縯

按闕里志四十代縯字微夫咸通十四年狀元及第

孔緒

按闕里志四十代緒任曲阜令

孔昭儉

按闕里志四十一代昭儉任南陵尉受廣文館博士

兗州司馬賜緋除祕書郎襲封文宣公屢宰曲阜年

六十卒葬祖墓西生子一光嗣

孔昌弼

按闕里志四十一代昌弼字佐化緯子進士及第終

孔昌序

按闕里志四十一代昌序字昭舉晦子進士及第終

孔遯

按闕里志四十一代遯字準之溫質孫纘子乾寧五

年進士第五人及第終諫議大夫

孔仲良

按闕里志四十一代仲良唐莆田令卒於官因家焉

今尚有世譜及唐誥刻石於縣齋朱文公熹嘗爲訂

其譜宋淳祐中官勗涵光書院建先聖殿又爲立聖

賢莊以教養孔氏子孫五十代孫元龍普敗其譜云

孔光嗣

按闕里志四十二代光嗣齋郎出身哀帝天祐二年

授泗水令陵廟主年四十二爲酒掃戶孔末所害葬

後周

孔仁玉

按闕里志四十三代仁玉字溫如初孔末既害光嗣

自爲曲阜令時仁玉生始九月母張氏抱歸育於外

家後魯人見其長訴於官事聞於朝乃罷末以仁玉

爲先聖嗣身長七尺姿貌異常善六藝尤精春秋爲

人嚴整臨事有斷時年九歲任曲阜主簿兩考滿陞

縣令襲封文宣公後周太祖廣順二年幸謁祖廟及

孔林召對數刻賜五品服銀器雜綵復敕授曲阜縣

令兼監察御史年四十五卒於官葬祖墓東贈兵部

尚書後世以孔氏苗裔幾絕而後續推爲中興祖生

子四宜憲冕助